

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Titulus XXV. De Clerico percussore.

[urn:nbn:de:hbz:466:1-73982](#)

TITULUS XXV.

De Clerico Percussore.

Quæst. 391. An & sub quibus pœnis prohibitum Clericis percutere Laicum?

1. Esp. Ad primum: Cuivis Clerico, præsertim in majoribus constituto, prohibitur est percutere propriis manibus Laicum, etiam delinquentem, sive fidelem, sive infidelem, ut constat ex claro textu can. 1. & 7. dist. 45. can. 25. dist. 86. & c. 1. b. t. percussio siquidem repugnat modestia Clericali, & mansuetudini Christi, quam imitari debent Clerici, juxta cit. can. 7. Excipiuntur Clerici præceptores, moderatores & magistri leviter & moderatè sibi commissos discipulos percutientes. Arg. can. ant. facta. dist. 1. de penitent.

2. Resp. Ad secundum: Pœna Clerici percutientis etiam Laicum imprimis est arbitria à Juge infligenda pro qualitate & circumstantia percussionis notabilis, & si talis percussor se non emendaverit, sed sæpius præsertim ob leviores defectus indignatione & iracundia subitanè corporis statim ad verbera profilire soleat, tanquam inhumanus & ferus, Statuque Clericali indignus, deponi potest ac debet. Arg. c. 1. b. t. & ibi Gl. & DD. communiter, inde inferentes propter unam etiam notabilem percusionem Laici Clericum de positionis pœnam non incurtere, nisi, ut Gl. in c. 1. b. t. & Hoft. ibid. Pith. b. t. n. 2. Arg. can. fin. dist. 25. & c. 2. b. t. percussio lethalis, vel saltem enormis esset. Reiffenst. b. t. n. 4.

Quæst. 392. An & qualiter Superioribus ecclesiasticis, tam Secularibus, quam Regularibus prohibitum aut permisum correctionis gratia verberibus castigare, seu punire Clericum subditum?

R Esp. Episcopi & Superiores Regulares Clericos sibi subditos, existentes quidem in minoribus etiam propter leves defectus; constitutos autem in Ordinibus majoribus seu sacris non nisi propter graves excessus (inter quos Reiffenst. n. 7. numerat ebrietatem) verberibus castigare possunt, can. cum latatus. dist. 45. can. fin. dist. 35. & ibi Gl. communiter recepta. v. corporali. Non tamen possunt Episcopi propriis manibus facere hanc

correctionem. Can. non licet. dist. 86. sed id committere debent alteri, & quidem non nisi Clerico, ita ut, si id committeret Laico, tam ipse committens, quam commissionem execuens Laicus sit excommunicati. Arg. c. universitatis. de sent. excomm. Barb. ibid. n. 2. Navar. b. t. cons. 42. Pith. b. t. n. 1. Reiffenst. n. 7. nisi consuetudo legitime præscripta alicubi haberet, quod Episcopi per Laicos castigent verberibus Clericos, prout de Gallia testatur Barb. l. c. & eandem passim vigere, rationabilèque & in jure fundatam dicunt alii. Atg. c. Clerici. de sent. excom. ubi Superioribus ecclesiasticis permittitur, quod per Laicos violenter capere & carcerare possint subditos Clericos, cum difficile sit reperire Clericos, qui hoc munus capiendo, carcerandi, verberandi subire velint. Atque ita etiam Superiores ecclesiastici Episcopo minores, præsertim Regulares, qui alias propriâ manu verberare deberent subditos suos Regulares, juxta cit. c. universitatis. possunt ex privilegio summorum Pontificum Alex. VI. & Leon. X. fratribus minoribus concessò etiam extra casum necessitatis Religiosos suos subditos etiam Clericos per alios suos subditos Laicos curare verberari, quo eorum privilegio etiam alias Religiones uti posse, tradit Castrop. tr. 29. p. 23. §. 3. n. 11. apud Reiffenst. b. t. n. 8. sic etiam posse Clericos Præceptores, & atrium liberalium Magistros, si verbis nihil proficiant, correctionis gratia castigare verberibus Clericos suæ curæ commissos circa privilegium, & absque eo, quod propterea incurvant excommunicationem; cum talis percussio non sit violenta, aut facta suadente diabolo. Arg. c. 1. b. t. & c. 1. & c. cum voluntate. de sent. excom. tradunt Abb. in cit. c. 1. n. 1. Navar. in man. c. 27. n. 81. Suar. de censur. d. 12. f. 1. n. 40. Idem est de Sacerdotibus, ex zelo devotionis adolescentes in minoribus Ordinibus constitutos divinum officium turbanter percutientibus, c. veniens. Abb. & Barb. ibid. n. 1. quod, si tamen hi Sacerdotes, aut etiam Prælati in subditi verberatione propriis manibus correctionis gratia notabiliter excedant, incident in excommunicationem Papæ reservatam. can. si quis suadente diabolo. juncto c. cum beatus. dist. 45. & si ex immoderata & incauta percussione etiam discipline causâ sequeretur mors vel mutilatio, contraheretur irregularitas. c. presbyterum de homicidio. Pith. b. t. n. 1.

TITULUS XXVI.

De Maledicis.

Quæst. 393. Quid & quotuplex sit maledictum, seu maledictio & maledicus?

R Esp. Maledictum seu maledictio, sic dictum à maledicendo vel loquendo, in genere est male dictum, seu mala locutione alio, & qui ita male loquuntur, maledici vocantur; quod quidem loquendo in genere, propriè & congrueret huic titulo sit dupli-
R. P. Lenz. Jur. Can. Lib. V.

citer ratione objecti, nimis vel malum de proximo enuntiando, v. g. quod sit fur, adulter, vel bonum seu qualitatem ei competentem inficiando, v. g. ingenuitatem, nobilitatem; & utrumque iterum sit dupliciter, nempe vel absente, vel præsente eo, de quo malum dicitur. Unde maledictum trifariam dividitur in detractionem, quâ quis absentis famam denigrat & diminuit; in calumniam, quâ quis præsenti seu in faciem alicui malum objicit, quod etiam, si falsum sit, convitium in illum jacere dicitur.